

Na osnovu član 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 138. stav (3), člana 138a. stav (1) i člana 144. Zakona o radu („Službene novine Federacije BiH“, broj: 26/16, 89/18 i 44/22), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 171. sjednici, održanoj dana 08.09.2022. godine, d o n o s i

ODLUKU
o davanju saglasnosti na Kolektivni ugovor o izmjenama
Kolektivnog ugovora za djelatnost visokog obrazovanja
za teritorij Zeničko-dobojskog kantona

Član 1.
(Predmet Odluke)

Daje se saglasnost na Kolektivni ugovor o izmjenama Kolektivnog ugovora za djelatnost visokog obrazovanja za teritorij Zeničko-dobojskog kantona koji je prethodno dodatno usaglašen od strane učesnika u postupku pregovaranja o usklađivanju Kolektivnog ugovora za područje djelatnosti visokog obrazovanja i to: Sindikata srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Zeničko-dobojskog kantona, kao reprezentativnog sindikata, odnosno predstavnika radnika i ministra za obrazovanje, nauku, kulturu i sport kao predstavnika nadležnog Ministarstva Vlade Zeničko-dobojskog kantona.

Član 2.
(Ovlaštenje za potpis)

Ovlašćuje se Spahija Kozlić, ministar za obrazovanje, nauku, kulturu i sport Zeničko-dobojskog kantona da u ime Vlade Zeničko-dobojskog kantona, potpiše Kolektivni Kolektivnog ugovora iz člana 1. ove odluke, sa Sindikatom srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Zeničko-dobojskog kantona kao reprezentativnog sindikata.

Član 3.
(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-34-13592/22

Datum, 08.09.2022. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x „Službene novine Zeničko-dobojskog kantona“,

1x a/a.

Na osnovu člana 137. stav (1), člana 138a. stav (1) i člana 144. Zakona o radu (“Službene novine Federacije BiH“, broj 26/16, 89/18 i 44/22), Sindikat srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Zeničko-dobojskog kantona (u daljem tekstu: Sindikat), kao predstavnik radnika, i Vlada Zeničko-dobojskog kantona (u daljem tekstu: Vlada) kao predstavnik poslodavca zaključuju:

**KOLEKTIVNI UGOVOR O IZMJENAMA KOLEKTIVNOG UGOVORA
ZA DJELATNOST VISOKOG OBRAZOVANJA
ZA TERITORIJU ZENIČKO- DOBOJSKOG KANTONA**

Član 1.

(Izmjena člana 26.)

U Kolektivnom ugovoru za djelatnost visokog obrazovanja za teritoriju Zeničko-dobojskog kantona („Službene novine Zeničko-dobojskog kantona“, broj: 20/20), član 26. stav (1) mijenja se i glasi:

“(1) Koeficijenti platnih razreda za određene poslove i zvanja su sljedeći:

a) Platni razredi naučno-nastavnog osoblja (nastavnici i saradnici)

R/b	Platni razred	Radno mjesto i zvanje	Koeficijent
1.	I	Nastavnik u zvanju redovni profesor	5,01
2.	II	Nastavnik u zvanju vanredni profesor	4,65
3.	III	Nastavnik u zvanju docent	4,29
4.	IV	Lektor/ Saradnik u zvanju viši asistent	3,30
5.	V	Saradnik u zvanju asistent	2,94

b) Platni razredi naučno-istraživačkog osoblja

R/b	Platni razred	Radno mjesto i zvanje	Koeficijent
1.	I	Naučnik u zvanju naučni savjetnik	4,26
2.	II	Naučnik u zvanju viši naučni saradnik	3,96
3.	III	Naučnik u zvanju naučni saradnik	3,65
4.	IV	Istraživač u zvanju istraživač	3,16

		savjetnik i zvanju viši istraživač saradnik	
5.	V	Istraživač u zvanju istraživač saradnik	2,94

c) Platni razredi nenastavnog osoblja (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova):

R/b	Platni razred	Radno mjesto i zvanje	Koeficijent
1.	I	Direktor Studentskog centra	3,94
2.	II	Generalni sekretar univerziteta	3,79
3.	III	Rukovodilac službe/Interna revizija Rukovodilac Službe za pravne, kadrovske i opće poslove, Rukovodilac Službe za finansijske, knjigovodstvene i poslove javne nabavke, Interni revizor	3,34
4.	IV	Sekretar organizacione jedinice /Kordinator/ Rukovodilac univerzitetske biblioteke Kordinator Kabineta rektora, Kordinator Kabineta prorektora, Kordinator za međuuniverzitetsku i međunarodnu saradnju, Kordinator za pravne, kadrovske i opće poslove, Kordinator za finansijske, knjigovodstvene i poslove javne nabavke, Kordinator za razvoj i strateško upravljanje projektima	3,05
5.	V	Rukovodilac tehničke službe Rukovodilac službe za održavanje, Rukovodilac Službe za IKT, Rukovodilac službe za obezbjeđenje i zaštitu	2,97
6.	VI	Stručni saradnik/Bibliotekar/Viši laborant Stručni saradnik za informisanje, Prevodilac, Stručni saradnik za nastavu i studentska pitanja,	2,85

		<p>Stručni saradnik za naučnoistraživački rad, Stručni saradnik za međuuniverzitetsku i međunarodnu saradnju, Stručni saradnik za pravne i kadrovske poslove, Stručni saradnik za poslove mašinskog održavanja, Stručni saradnik za poslove elektroodržavanja, Stručni saradnik za poslove građevinskog održavanja, Stručni saradnik za finansije, Stručni saradnik za knjigovodstvo, Stručni saradnik za javne nabavke, Stručni saradnik za prodaju i nabavu, Stručni saradnik za informatičke poslove, Stručni saradnik za nastavu, Stručni saradnik za kliničku praksu, Stručni saradnik za stručnu (ferijalnu) praksu, Inspektor, Certifikator</p>	
7.	VII	<p>Viši referent/Viši knjižničar/ Viši referent za studentska pitanja, Viši referent za opće poslove, arhivsko i kancelarijsko poslovanje, Viši referent za poslove zaštite na radu i zaštite od požara, Viši referent za knjigovodstvo –glavni knjigovođa, Viši referent za javne nabavke, Viši referent za projekte, Mrežni administrator, Viši knjižničar</p>	2,43
8.	VIII	<p>Administrativno osoblje Tehnički (poslovni) sekretar kabineta, Referent za kadrovske i opće poslove, Referent za obračun plaća i naknada, Referent za javne nabavke, Referent za prodaju, Referent za projekte, Tehničar za IKT podršku, Tehničar za web administraciju, Blagajnik budžeta, Tehnički (poslovni) sekretar OJ</p>	2,09
9.	IX	Pomoćno administrativno	1,98

		osoblje Referent za knjigovodstvo stalnih sredstava i sitnog materijala, Referent za studentska pitanja, Referent za trezor, Referent za opće poslove, prijem i otpremu pošte, Referent za smještaj studenata, Knjižničar, Administrator čitaonice	
10.	<u>X</u>	Tehničko osoblje Vođa smjene u kuhinji, Vozač (vozač-automehaničar), Električar, Mašinbravar, Laborant/operater	2,09
11.	XI	Pomoćno tehničko osoblje Čuvar- poslovi fizičke zaštite (certifikat), Referent za poslove zaštite na radu i zaštite od požara, Domar, Skladištar, Pomoćnik inspektora, Pomoćnik certifikatora, Kuhar	1,76
12.	XII	Pomoćno-tehničko osoblje Portir/repcioner/Zaposlenik u vešeraju	1,65
13.	XIII	Pomoćno-tehničko osoblje Kurir/Radnik u parku	1,60
14.	XIV	Pomoćno-tehničko osoblje Spremačica	1,56

Član 2.
(Izmjena člana 28.)

Član 28. mijenja se i glasi:

“ Član 28.

(Usklađivanje osnovice)

Ukoliko se troškovi života, odnosno rast indeksa potrošačkih cijena u posljednja tri mjeseca prema podacima Federalnog zavoda za statistiku povećaju za najmanje 5%, te ukoliko u periodu primjene ovog Kolektivnog ugovora dođe do povećanja osnovice za obračun plate, koeficijenta za obračun plate ili vrijednosti isplatnog boda za obračun plate drugim radnicima koji primaju platu iz Budžeta ZDK ili dođe do promjene propisa o porezu na dohodak i propisa o obaveznim doprinosima, pristupit će se pregovorima za izmjene i dopune ovog Kolektivnog ugovora radi usklađivanja osnovice za obračun osnovne plaće.”

Član 3.
(Izmjena člana 40.)

Članu 40. mijenja se i glasi:

“Član 40.
(Naknada za prijevoz)

- (1) Radniku kojem nije organizovan prevoz sa posla i na posao, a čije je mjesto stanovanja udaljeno pet ili više kilometara u jednom pravcu, pripada naknada u visini mjesečne karte, a najviše 250 konvertibilnih maraka u mjesečnom iznosu.
- (2) Izuzetno od stava (1) ovog člana radnik može ostvariti pravo na veću naknadu za prevoz, uz prethodnu saglasnost Ministarstva.
- (3) Pravo na naknadu iz stava (1) i (2) ovog člana ostvaruje se na način i po postupku koji se uređuje aktom Ministarstva uz konsultacije sa reprezentativnim sindikatom kantona, a na koji akt Vlada Zeničko-dobojskog kantona daje prethodnu saglasnost.”

Član 4.
(Izmjena člana 43.)

Član 43. stav (1) mijenja se i glasi:

„(1) Radniku se isplaćuje naknada za ishranu (topli obrok) u neto iznosu od 10,50 konvertibilnih maraka po radnom danu, što utvrđuje Vlada Zeničko-dobojskog kantona za sve korisnike Budžeta.“

Član 5.
(Stupanje na snagu)

Ovaj Kolektivni ugovor stupa na snagu danom potpisivanja i objavljuje se u „Službenim novinama Zeničko-dobojskog kantona“, a primjenjuje se od 01.09.2022. godine.

SINDIKAT SREDNJEG I VISOKOG
KANTONA
OBRAZOVANJA, ODGOJA, NAUKE
I KULTURE BiH
KANTONALNI ODBOR
ZENIČKO-DOBOJSKOG KANTONA

VLADA ZENIČKO- DOBOJSKOG

P R E D S J E D N I K

M I N I S T A R

Broj: _____
Zenica, _____ godine

Broj: _____
Zenica, _____ godine